

阿育王子法益壞目因緣經序

群七

原夫善惡之運契猶形影之相顧受對朗驗
几三差焉現也中也後也播九色之深恩以
悅天妃之耳目孤禽投王而全命形受五机
之切酷斯現報也群徒潛淪於幽壑神陟輪
飄而不改身酸歷世之殃豐不曉王子之喪
目斯中報也阿蘭縱禍於無想嬰佩未惑於
始終終為著翅之暴狸飛沉受困而難計斯
後報也故聖人降靈必有所由非務不預青
白明矣玄鑒三世弱喪之流深記來變坏形

之累趣使引入百練之室自如來逝後阿育
登位綱維閻浮光被流洽圖形神寺八萬四
千羅漢御世汎濟億數國主師宗玄化滂沛
萬民仰戴而不已神祇欽賴而愈深然王子
法益宿殖洪業生在王宮容貌殊特後復受
對靡知緣起會秦尚書令輔國將軍宗正卿
領城門校尉使者司隸校尉姚旻者南安郡
人也親姚詔之次兄字景嶷文為儒表則烈
勲於千載武為邀群則皎然而獨標亢音通
實則辯機而曠遠執素縱情則翱翔而無倫

德也純懿範也難摸赫逸翰於群才振龍威
 於昆鋒然愍未惑之巨救傷愚黨之不寤欲
 紹先勝之遺迹豎玄宗於末俗故請天竺沙
 門曇摩難提出斯緣本秦建初六年歲在辛
 卯於安定城二月十八日出至二十五日乃
 訖梵本三百四十三首盧傳為漢文一萬八
 百八十言念譯晉音情義實難或離文而就
 義或正滯而傍通或取解於誦人或事略而
 曲備冀將來之學士令監罪福之不朽設有
 毫釐潤色者盡銘之於萌兆故叙之焉

阿育王子法益壞目因緣經

符秦三藏曇摩難提譯

人在生死纏綿來久習罪識深從起惱亂
 姪之為病必成波激猶可暴逸有所傷損
 慧者執心念計分明淡泊自守御諸惡源
 二十一結詳七染汚人心盡當捐棄二及放逸行
 咸共一心聽我所說阿育王息壞目之元
 聲徹八表彌滿國界群庶忽忽靡不驚愕
 聖王阿育於中綏化領閭浮境莫不從令
 王復生子顏貌端正生有毫相應紹王位

眼視清明 如天帝像 王觀此變 甚悅無量
便召群臣 沙門道士 躬自抱示 使彼瞻相
又勅諸臣 更立名字 今世稱揚 聲聞四遠
群臣拜首 承教而曰 王生貴子 世之希有
由正法治 天降此神 今當立號 名曰法益
所以然者 王法整故 以法教化 未曾違理
我等正是 法之真子 故稱聖子 字之法益
目猶蓮華 見者喜悅 瞻視俱瞬 如因提王
言辭詳叙 不緩不急 天性柔和 不行卒暴
有此名德 不可具記 今更重稱 號曰天眼

然阿育王 最所敬愛 隨時瞻養 不令有失
王恒遣候 探察內伺 知子吉祥 然後乃食
躬抱法益 欣抃終日 情愍愛感 寤寐無厭
王問天眼 汝造何福 今獲此目 如優鉢華
有時王子 出遊國界 恒令將護 不使憂感
設有男女 詳七 見天眼來 皆起邪念 三 興欲情想
王素稟性 偏著女色 內宮侍人 像如天妃
諸有婦人 心懷恣態 窈窕娥媚 無不貫練
王大夫 名曰淨容 晝夜伺捕 欲與私通
我當何日 果其所願 得與天眼 閑靜共遊

意便充足 不羨天宮 正爾殞身 於世無怨
時王太子 清晨早起 至夫人所 跪拜問訊
興居輕利 遊步勞耶 兼獻甘美 吉祥之果
夫人見來 欲意熾盛 便言汝前 與吾共遊
既充我願 又親情畢 彼我同歡 不亦快乎
天眼聞之 以手掩耳 內自思惟 酷哉斯言
何災之甚 痛貫心懷 育養恩重 豈容此法
漸漸退却 復道而去 還歸所在 靜默自修
彼見違願 又斷望意 槌曾歎息 起謀害心
蓬頭亂髮 而坐于地 瞋恚所縛 如羅刹鬼

彼人云何 取我辱之 要當方便 挑雙目出
令此國界 無見聞者 何況男女 觀其形容
爾時有臣 名曰耶奢 父王所恃 威伏萬民
逼節之初 來入慶賀 朝謁揖讓 如舊世禮
王子見來 以手拍頭 不祥之應 在吾前立
速還本處 勿復停此 吾欲入朝 慶賀聖尊
臣尋捉手 陽致重敬 願令王子 享壽無窮
向以尊手 而拍臣頭 柔輒之體 無所損乎
含笑徐語 趣悅前意 內興恚怒 如蛇懷毒
竊自思惟 要當報怨 不墮右手 終不行世

耶奢既跪 退還所在 以此元本 向天后說
夫人尋對 卿聽我語 亦有瑕穢 慙不能言
彼所毀辱 何地容之 分受刑斬 終不原捨
猶如耶奢 水中生火 燒焚山野 城郭縣邑
諸人見之 莫不驚怪 群臣相對 而共論講
何圖今日 水中生火 水能滅火 方從中生
今此王種 譬喻亦然 遇此太子 猶水生火
焚燒我心 所造功德 本無恐懼 今生怖畏
我恒長夜 而生斯念 吾年衰老 必得子力
反更推辱 如弄姪種 此事隱匿 當復訴誰

耶奢白言 愆罪宜徵 毀尊辱臣 謀當時施
要設權巧 求其方宜 不挑雙目 則非報怨
時有羅漢 名曰善念 天眼師宗 人民所敬
真人入定 以道力觀 王子後必 當受緣對
數數教誨 微說道教 令知機變 萬物歸空
與王子說 色亦無有 有無亦無 無亦無無
聲從外應 由耳內候 香自波揚 鼻識而受
眾味經口 轉增舌根 身貪細滑 意法無厭
法有亦有 法無亦無 無有有無 無無亦無
猶如聚沫 必當毀敗 眼無常主 不可久保

如水上的泡會歸摩滅當念思惟無常之變
 眼者遷轉興衰不停當自勗勉求於天眼
 夫天眼者無能壞敗漸當至彼無憂之處
 數捨俗務往聽法言親善知識與共交遊
 聞法意悟眼得清淨由善良友五速阿羅漢
 專心念佛群七思惟法寶敬奉聖眾五及師尊長
 意不移易則遇大幸住不動地真佛之子
 法益聞之悲喜交集此必有因事不孤爾
 云何人身眼亦無常師今戒勅慙慙至深
 宜當防護施行嚴教豈敢輕慢違我聖師

當於爾時閻浮地內菩薩所行投身之處
 名曰石室恒有王治會遇國毀主亦喪亡
 國界群臣庶民大小普共就詣阿育王所
 前拜敬謁叉手而言聖王延壽興利康強
 石室散王捨位遷神願賜差次領遺荒民
 王子顧盼告耶奢曰速勅差遣應誰統領
 彼民剛強須堪能者無令凡人錄攝彼土
 耶奢自念今正是時當遣王子法益使攝
 輒前長跪即白王言願垂聽許微臣所啓
 乳陀越國樂如天宮願差王子統領荒民

便為國土至感所遇亦使天威遠震無外
父王聞之即便瞋恚咄愚所啓豈足上聞
卿非國主又非領民為因何力使吾息往
汝舌云何不段段墮方欲遣吾窮胎之子
今重原汝再死之罪好自改愆勿殞吾身
從今至竟重誠勅汝慎護卿族得延天命
設有稱吾息名號者躬自執劍梟汝等首
若復更有面稱字者當生拔舌吾取食之
假使我子昔與卿讎過去所作因緣之本
及以現在身口意行今悉原恕不錄前罪

時臣懷嫌不顧命根前復長跪重白情實
善哉大王願垂天威留神思惟使國不亂
西方人民受性頑質恒好鬪訟興兵攻伐
宜須善化綏納人心君臣和穆豈非嘉會
軋陀越國饒珍多寶高才博聞無事不關
又石室地群七名譽不朽昔華瓔王六所治之處
其園池水生金蓮華銀葉寶莖價直閻浮
此城有威神德無量非越常人所可臨顧
國雖西垂益事豐廣願王善察不忽微言
所以頻啓以國事重何敢專意使太子移

永樂北藏

王子法益壞目因緣經

第一三一册

利根聰睿 是知諸法 兵戰技術 皆備貫練
 設當彼土 遭王子者 不加刀杖 自然降伏
 所言柔和 無有麤獷 受性寬仁 無貪恡心
 酒不過口 於色自制 恩接博愛 治無阿曲
 設無此德 臣豈敢宣 是以煩聽 願垂時許
 王當專一 何足二憂 設念尊息 慮彼國為
 今不時謀 後必有患 事不預慮 敗在斯須
 王聞此語 如食遇噎 既不入腹 又不得吐
 大臣所惑 莫有覺知 猶蛾投火 不顧後緣
 時王阿育 涕零教曰 喻遣法益 統攝彼土

迎臣數萬 自然響應 吉祥寶物 尋集天庭
 育王躬自 手擎天冠 冠法益首 而告之曰
 善哉新王 吉無不利 常使吾種 登遵此位
 槌鍾鳴鼓 作倡伎樂 懸繒幡蓋 數千百種
 於彼國土 靡不周遍 八由旬內 人民充滿
 著鎧象馬 各八萬四群七 金銀交飾 不可稱計
 羽葆之車 八萬四千 步兵之衆 復八萬四
 如天帝釋 出遊後園 玉女營從 樂何可過
 如是王子 至彼方城 入石室城 導從無數
 王至國界 萬民稱慶 適意自娛 如忉利天

城內里巷懸繒幡蓋香汁灑地靡不周遍
時王法益告人民曰卿等以城尊重吾者
於七日中各勿作務吾當賜卿財寶之物
如我宮中五樂自娛恣情遊戲晝夜無厭
吾今賜汝隨意之寶假令負債出物代償
若有墮落爲人奴婢給與財帛令不作役
盡令城內男女大小普修善行無令有怨
復勅外境宣吾教令六年之內勿輸資財
設有孤窮極貧匱者吾亦施物不令有乏
其能自修無殺盜心吾當敬待如已無異

時王法益重宣令曰半月三齋此日難遇
男女相勸無起懈怠奉持八關如來齋法
佛說人身億劫乃獲及八無閑顛倒之法
如板浮海盲鼈投孔此猶可冀求人身難
汝等已果莫生憍慢人中五樂幻偽不真
當建天福適忉利宮七寶殿堂食以甘露
其有欲得受天之福當於半月奉持三齋
時石室王教誨不懈舉國豐熟人民安隱
其有男女遭遇彼王命終之後皆生天上
大王阿育而問來使法益治化爲如法不

國界人民盡靡伏不知今具說不足疑難
來使歡悅即前自宣大王壽考萬民蒙賴
法益聖王氣力康強恒以正法恤化西方
石室城中如天帝宮王於中治猶天王釋
軋陀越國土豐民盛所行真實無有虛偽
不殺不盜順從正法作七人民之類歡慶無量
願使大王延壽無窮蒙聖之德各寧其所
阿育王聞喜慶歡怡和顏悅色告耶奢曰
吾獲大利其德實顯法益王子以理化
率以禮禁尊以恩和人民之類莫不戴奉

今當分此閻浮利地吾取一分一分賜予
使我法益長生壽考治化人民如今無異
新頭河表至娑伽國軋陀越城烏持村聚
劍浮安息康居烏孫龜茲于填至于秦土
此閻浮半賜與法益網理生民垂名後世
師子曇羅摩竭金根維耶舍衛佻形睡耳
雪山北界至于海際吾躬訓化令無有限
臣耶奢聞如被毒箭外佯含笑內懷瞋恚
即跪對曰奉大王教正爾傳令不敢稽遲
竊自念本宿對之惱三毒隆盛不顧身命

昔推我頭甚痛難忘今不報怨何日可果
尋即却退還歸所止密遣侍人共白天母
夫人聞已勅耶奢曰速作秘書退位刑罰
無令外伺而見聞者若當事顯俱亦傾沒
耶奢白言群七秘書易辦唯須金印九用封印書
夫人報曰印自我憂今當供辦何慮不果
善思行人可付往者無令輕舉事情外露
時臣耶奢詐稱王命私述聖旨虛辭萬端
輕誣彼土欲令灰燼云阿育王咸恚彼國
若欲安此閻浮地者速從我命不足違戾

見吾書信并覩印封推檢法益挑兩目出
此非我子我非彼父所治國界亦非我有
竊爲此書往示夫人啓辦寶印不足疑難
今得印者明當遣信若小稽留恐事彰露
爾時夫人即以其日向王涕泣佯聲變怪
昨夜卧夢極爲不祥將恐王身會遇疾病
宜先預慮以穰惡夢願飲甜漿用悅我心
便能伏厭不祥之應尊及君民永無有憂
王尋告曰夢是非真安能令吾身值疾病
夫人聞此重更悲泣向天號哭宛轉于地

永樂北藏

王子法益壞目因緣經

第一三一册

王當垂愍 應受我酒 無令妾身 永失命根
時王含笑 徐告之曰 卿意欲爾 當為飲之
焉得使汝 自喪其命 此是小事 吾不相逆
王即受酒 飲小過差 尋醉睡眠 了無所覺
夫人取印 用封檢書 于時侍從 無見之者
王於夢見 有人解印 尋時驚覺 問左右曰
方始安眠 心識憺怕 誰來擾吾 神不得寧
速檢校之 無令有虛 其必有謀 欲危吾身
手執利劍 及飛鐵輪 奮赫天威 語夫人言
誰乃令汝 取吾寶印 設不時首 正爾斷滅

夫人懷懼 長跪白言 願王垂察 實無此情
王重瞋恚 復告之曰 更無餘人 觸燒吾者
今不面對 以誠陳過 當取汝身 分為二段
夫人涕泣 跪白王曰 此是夢幻 現瑞怪耳
種非凡細 孤窮僕賤 何敢王前 虛稱詐實
假使須印 焉得偷竊 以誠告王 豈不得耶
王聞此語 默然不對 復還寢卧 達曉乃覺
夫人急勅 偽臣耶奢 速遣信使 不足停滯
當爾之時 王子法益 與諸群臣 共集殿上
歡會遨遊 隨意所娛 書信達到 石室城內

王聞外有父王教勅尋起前迎拜跪頂受
授與左右使發印封見王教令至為嚴切
稱阿育王普惠斯土若欲安居石室城者
速檢王子挑兩目出無令停滯使影移轉
法益聞已自投于地我有何過於父王所
遣此書命毀我兩目將非有人向父王讒
群臣人民聞此切教咸共驚愕莫知所如
何災之甚乃見此變大王瞋恚無復係嗣
其中群臣或作是論我等不敢毀法王目
誰有此人能興斯壞敢復舉意挑出兩目

卿輩共集固守境界傳告遠近供辦戰具
寧喪人民分我妻子不令我王受此苦痛
急擊鳴鼓召力勇猛火燒此書推殺來信
彼非我主我非彼民實不從令毀聖王目
時王法益告群臣曰勿生此心以逆聖教
父王兵眾非^{詳七}算所籌勇猛剛健^{十一}世之希有
卿等雖欲各現微誠事不果者國界普喪
我命何常身為誰有乃使大王怨責至深
寧殞身命分受來勅安得自濟使國荒亂
卿等勿復思向來論速受王教取吾眼毀

夫盛有衰 合會有離 無身則已 死豈可避
佛不說乎 是身苦器 恒漏臭處 無一可貪
速告城內 誰能堪任 取王法益 挑出雙目
今賜寶瓔 價直千萬 兼與金銀 不可稱計
國土人民 聞此教令 運集宮門 投鍼不下
異形同響 悉共高聲 號天叩地 各訴辭曰
何酷之虐 失我聖王 如此天宮 云何遷轉
城郭如是 坵荒不久 國界邦土 悉爲堆陵
我等咸共 傳告隣國 云王阿育 爲惡之首
殺兒揚名 有何可貴 尚不愛子 民何所恃

爾時城內 有一凡夫 昔與王子 小小讎嫌
徑自直前 求受重募 吾堪挑眼 亦能梟首
左右諸臣 指示啓曰 此人自稱 堪毀王目
猶可思詳 拒父王教 願不使主 受此毒痛
王見此人 悲泣交集 左右顧視 告群臣曰
吾居此城 十有二年 備有愆短 咸共原恕
設復今見 毀吾目時 勿復愁惱 起諸惡念
還理國事 如舊常法 以正治化 務使得宜
正使意欲 食天之福 常念齋戒 無違斯須
王脫寶冠 珠璣瓔珞 及寶履屣 授與前人

卿當知吾欲思法本一一挑眼著我掌中
 時彼惡人手拔利劍先挑一目授王掌中
 王自執眼而熟思惟方憶先師本所教誨
 霍然心悟繫意不忘昔師所演理極深遠
 而告我曰眼者無常群七師勅至誠實無虛詐
 寂靜微察解無常義十二此眼不久為當壞敗
 眼我知本誑惑世人群愚翫習不知是空
 生死穢濁如芭蕉樹葉葉相覆中無有堅
 智者觀察無一可貪豈復興意著於眼色
 眼非我有非作非造彼無我慮焉有眼哉

愚者起惑染著眼識輪轉幽冥長流之海
 眼今與汝永共別離由何元本與吾作眼
 如水上泡乍起乍滅虛偽無真用彼眼為
 如是法益微觀眼源思惟玄妙意不移動
 執正御亂心如金剛諸想求寂志不流馳
 爾時彼人復以利劍挑第二目著王掌中
 重觀眼源本從何致解諸法寂萬物歸無
 即於座上得天眼通諸塵垢盡自致道跡
 感應天地六變震動喜情內發而三稱善
 捨世穢目致斯淨眼功德微著自知道成

諸臣呼嗟宛轉于地痛何甚酷失我所天
 昔造何緣為何宿對今敗此目如捐瓦石
 又重叉手各自陳啓願王垂愍還統此邦
 我等相率詣父王所訴辭自陳令理國土
 時王法益慰謝諸臣深感無極至報之心
 形毀之士何安貴邦宜則自退時出國界
 即將夫人侍臣有一捐王寶位涉道而去
 周流村聚郡縣國邑徒屣曠野嶮阻之難
 然王太子素善彈琴加音清妙世所希有
 依憑此術家家乞求從國至國用自濟命

如是經歷諸郡城郭漸漸便至父王治處
 時臭惡聲流聞海表云王阿育毀兒兩目
 村落郡國莫不驚動吾等悉當於何處避
 男女大小悲泣相向大子於王有何罪咎
 彼人焉得手不斷壞取我聖王毀此兩目
 王子法益告諸人民父王無咎世人無怨
 是我宿對今受其報此緣久矣非適今世
 時阿育王在高樓上獨與夫人而共寢寐
 王子法益止馬廐內竟夜歌戲鼓琴自娛
 王聞琴聲悵然意變宮商和雅似吾法益

何人彈琴響震乃爾將非即是吾法益耶
夫人報曰此非王子無目之士行乞自活
軋陀越國如釋天宮領統西方如日貫雲
王今時起詣殿治正諸臣運集欲覲至尊
趣欲使王志竟他念入出慄怖恐殃及身
王重聞音鼓琴之聲即便驚起微察來響
顧謂左右此非異人定是我子來至此耳
咄弊婦人不須多言速將此人使吾見之
尋遣使喚將至王所王遙見來自投于地
號天稱怨心意倒錯憂悴悲感如被火然

諸臣水灑扶令起坐正冠嚴服而問之曰
誰壞子目酸毒乃爾傷我心肝復用活為
本如天眼今遭此災悲哽斷絕死而復甦
復捉寶冠而投于地亂頭散髮奮振天威
珠璣瓔珞各在異處手執利劍告左右曰
吾今要當消滅天下老舊少壯十四無免吾子
石室城內盡當茹食人民之類斯挑眼出
軋陀越國令使丘荒坐壞吾息清淨之目
亦當害此吾所居國不問男女皆悉挑眼
即擲鐵輪於空中轉殺閻浮內有形之屬

父王涕零問王子曰誰壞子目乃致於斯
令我心肝寸斷抽絕觀者億數無不哀愍
王子尋對書印此發教令嚴切莫不驚愕
願王勿責石室城人彼人民和無有僇罪
是子薄祐招致斯殃皆由曩昔不善之業
諸臣見書悉懷瞋恚阿育何為行此不仁
於閻浮地實無慈愍云何興心毀此王子
我等諸人皆共運集傳告國界嚴備戰具
寧失邦域分受刑罰不使王子受此毀辱
勅燒書信并殺來使於石室城速擊鳴鼓

彼非我主我非彼臣實不敢毀王子雙目
子尋誨喻彼界人民勿興此懷以逆聖教
向於父王生反逆心自古迄今興衰有限
時行尊約承來嚴教莫得稽留違此書命
生民群愚不識真偽願王含容垂恕不及
大王留神并七觀察佛語忍為大力十五能勝眾怨
時可捨放不錄罪愆莫以子目起殺害心
地獄苦痛拷掠酸楚備受罪報用憶子為
若見愛愍惠本願者何於子身殺害人民
國土男女民萌之類悉懷恐怖願時赦寬

當於爾時 王子師主 將諸比丘 入城乞食
手執應器 法服齊整 漸漸以次 至王宮門
阿育遙見 悲泣交集 即起前迎 長跪問訊
昔尊弟子 法益王子 今遭殃疊 毀壞雙目
悲感情傷 哀切難勝 願尊臨顧 療以法藥
羅漢報曰 無常百變 此來久矣 非適今也
尋將比丘 即前就坐 告王勅喚 使法益來
王躬自入 手執導引 觀者數萬 莫不痛心
前接足禮 淚如駛河 悲憤哽噎 謙卑說曰
昔師教誨 誠如來勅 眼者無常 亦無牢固

思惟此義 淵玄深遠 肉眼穢濁 不可恃怙
亦如聚沫 被照之露 猶水浮泡 鏡像光移
芭蕉野馬 幻化不真 智者所棄 有何可貪
時王阿育 前跪白言 願演至味 使復視瞻
愁憂憤心 拔濯清淵 流浪之徒 使還歸真
思惟尊教 安處無爲 令將來世 知宿報源
羅漢尋起 至王子所 手執白氎 覆法益頭
月光夫人 親王子母 尋起于座 叉手跪侍
躬擎香爐 燒衆名香 向十方國 方面境界
諸有神祇 尊豪鬼王 盡集此處 證至誠誓

令我法益 還復眼目 諸神證明 至誠感動
 八部鬼神 即時響應 四面運集 無空缺處
 復告王子 發汝心願 歸佛法眾 及尊師長
 過去諸佛 方將來者 自投歸命 興尊敬心
 諸賢聽我 發真實誓 以逮不著 獲清淨眼
 得道已來 終不先食 要前度人 然後乃冷
 憶念我昔 承事諸佛 式佛維衛 毗舍如來
 以若干種 繒絲華蓋 作娼妓樂 以用供養
 加復燃燈 續尊光明 緣此德本 使復眼根
 昔於式佛 發此誓願 諸無肉眼 吾當療治

還復眼根 如前無異 設果我願 得眼根淨
 若復王子 五百世中 審是我息 如實不虛
 吾以今身 更不受胎 願令王子 如我無異
 復告阿育 王念昔日 以一掬土 施於如來
 由此福田 王閻浮提 鐵輪獨遊 而無儔匹
 今亦當發 至誠之誓 福及王子 使得眼根
 爾時尊者 騰遊虛空 作十八變 涌沒自由
 大王見已 叉手長跪 專精其念 自投于地
 歸命我尊 釋迦文佛 蒙遺餘福 統閻浮地
 若使如來 記別我身 吾逝百歲 當有王出

於閻浮地 起八萬四 如來神廟 周滿方域
神口所記 今已果獲 彌綸境內 普興福業
領閻浮界 獨步自由 設法不虛 得眼根淨
昔所種福 於真人所 敬奉三寶 國師道士
及施窮乏 諸裸形者 以此福業 施於王子
王念昔遊 巡行國界 乃經諸山 鐵圍之表
聞下有聲 雷震天地 響應震動 音甚酸酷
王乃下盼 見閻羅王 臣吏叅佐 辟問罪囚
所犯形狀 輒便決斷 隨罪付治 無增減心
十八地獄 熱熾湧沸 十六鬲子 圍遶一鑊

刀山劍樹 火車爐炭 罪人叫喚 苦毒萬端
王問左右 此為何人 諸臣答曰 死人王也
主別善惡 檢罪輕重 伺察殃咎 科簡賢愚
是時阿育 告群臣曰 死王猶向 造地獄治
我今乃是 生民之王 豈復不能 地獄治化
問諸群臣 誰有斯人 極惡凶暴 領地獄者
諸臣對曰 唯有無擇 五逆之人 能造地獄
黃髮赤眼 卷眉腫頰 高穎蹙鼻 乃能行惡
王勅諸臣 訪覓惡人 如此比類 速來上奏
臣即馳奔 國界縣邑 見一池側 有一織罽

傍設弓箭 仰射飛鳥 前灑毒飯 用捕群雀
 脚牽鈎餌 以釣淵魚 後施胥涼 微伺麀鹿
 引頸鳥鳴 招致鳥獸 諸人見之 審如所募
 臣還以狀 白王情實 行求惡人 其誠如斯
 王言善哉 乃果我願 究尋此人 必辦獄事
 王遣人喚 云吾欲見 重賜珍寶 隨意所須
 惡人報曰 我是小人 無所識知 王用我為
 使復答言 卿必遷貴 欲得汝身 治地獄事
 其人歡喜 即還到家 具以事狀 而啓父母
 父母聞之 甚懷憂慮 各自抱兒 不放令去

見意勇成 即拔利劍 斫殺父母 而捨之去
 往至王所 跪拜問訊 揖讓修敬 在一面立
 王問惡人 卿父母在 無瞻養者 何由得來
 彼人自陳 父母固遮 以劍斫殺 而捨之來
 王言善哉 真五逆者 猶害父母 餘人何怙
 即委此人 造地獄城 鑊湯劍樹 注鐵垣牆
 尋使其人 為地獄主 立諸臣佐 各有所典
 如閻羅王 約勅獄卒 有入獄者 無令使出
 不問貴賤 豪尊長者 得便治罪 勿責曲直
 正使我身 入此中者 亦莫聽出 加以重法

繞城周市種好果樹修治園觀狀如天宮
 時我獨步頭陀乞食漸漸以次到此城門
 外見香花樹木繁茂謂是好人豪貴居家
 即便入門欲從索食但見治罪驚怖欲還
 獄卒前提不聽使出將至鑊所欲加五毒
 我復求曰小見寬恕至日中者抱恩無已
 學道日淺又不廣誦願聽見許禮十方佛
 惡人默許期剋日中語未久頃男女二人
 坐犯姪法將入治罪置碓曰中以杵擣之
 斯須之間變成爲沫時吾見之唯念佛語

身如聚沫誠哉斯言受身胎分要有斯對
 過聖恒沙誰免此患吾今當計非常之義
 分別九漏不淨之穢又頃復變爲白鴿色
 思念此形如父骨聚變易非一如幻如化
 即時意悟結盡結解十七欣情內充十九形發於外
 快哉福報與生死別心意寂定志如金剛
 天焦地爛融然一體彌天熾火安能燒我
 獄卒復催時入鑊湯我時方笑顏色容悅
 獄卒復恚差其四人各扶兩掖倒著鑊中
 湯冷火滅變成清涼拷掠榜笞普皆休息

即便化作千葉蓮花於蓮華中結跏趺坐
坐卧湧沒作十八變或飛虛空去地七仞
獄卒見驚白阿育王獄中奇異未曾所見
願王暫出至泥犁城臨視災怪窮異之變
王語惡人我先有要正使我入亦不得出
轉輪王教言無有二我今那得復入此門
吏白王曰但入無苦聽令一日後令立限
王即隨入見鑊中人在蓮華上結跏趺坐
王遙問曰汝是何人我復報曰吾是比丘
王復問曰汝今在獄當稱罪囚何言比丘

時吾語言汝真愚人蒙聖遺恩王南天下
求劫積功始乃得之方更謗聖稱為罪囚
王問道入汝今何故轉輪王前面稱愚人
時吾告曰汝童子時以一把土奉上如來
佛受呪願詣迦葉寺以水和泥補寺南壁
記汝後當南閻浮提作轉輪王名曰阿育
一日之中便當興立八萬四千如來神廟
王今此獄是浮圖耶更反招禍無邊之罪
神識倒錯癡心纏裹愚中之愚莫甚王身
惑人執迷至死不改今稱汝愚何惑之有

王意即悟 五體投地 便自懺悔 師事我身
於是罷獄 興立善本 求獲無爲 不起滅法
本種土裁 今致王位 於佛福田 淨諸結穢
盡持壇界 奉上三寶 審有此福 使得眼根
王及尊師 發至誠言 即於座上 獲完淨眼
諸天須倫 神祇鬼王 皆稱善哉 歎未曾有
不可思議 神感之應 即前發鬘 觀視眼目
王及夫人 遙見法益 容貌殊異 世之希有
爾時天地 六變震動 山河石壁 砢礮涌沒
內懷歡喜 不能自勝 前自長跪 白天師曰

師如生佛 施人眼目 蒙福威力 更生淨眼
王見瑞應 不可稱說 此必天身 寄吾生耳
脫已寶冠 授與法益 紹轉輪王 統閻浮內
王子前跪 白父王曰 子無此威 敢紹尊位
父王告曰 觀卿行跡 定是天神 畢然不疑
卿在我治 則非其宜 汝應紹位 我宜臣佐
速隨吾語 受此寶冠 勿足疑難 興猶豫想
師復告曰 王應受此 天冠威容 治化六年
昔本爲王 經六萬歲 時少六年 減不充數
阿育王疑 白大師言 願說本緣 開發家心

於何造行 致斯豪尊 既為我子 眼得清明
 又中毀壞 今獲完目 復作何緣 與尊相遇
 導引法師 得法眼淨 今為佛子 諸塵垢滅
 復以成道 永離生死 願說昔日 所更行本
 師告王曰 聽我所說 諦自思念 昔所因緣
 過去之世 廿七 九十一劫 有佛名曰 廿一 維衛如來
 爾時王子 為我作兒 兼知數技 則善圖畫
 我身七日 供養彼佛 王子畫造 如來形像
 即以形像 宣示最勝 如來稱善 實無等倫
 即於彼佛 發心誓願 所生之處 莫墮惡趣

恒使端正 眼目分明 生值豪族 不處卑賤
 常為婦人 所見愛敬 其有親者 皆投于地
 次後有佛 名式如來 將諸比丘 遊清明城
 我為長者 此為我息 復共供養 承事式佛
 次佛名曰 隨葉如來 度脫人民 不可稱計
 爾時求願 為子上燈 七日七夜 光明不斷
 乘此福祐 長離苦惱 所生之處 得天眼淨
 於賢劫中 有佛出世 名拘孫那 度人無量
 三十二相 紫磨金色 坐道樹下 降伏魔怨
 六十六年 奉持禁戒 月六歲三 初不脫失

次復有佛 拘那含尊 照曜世間 如月星滿
 爾時我亦 爲長者子 王子與我 作最小兒
 有一比丘 得阿羅漢 以次乞食 來至貧家
 時我兒婦 供養比丘 衣被飯食 牀卧醫藥
 王子懷恚 竊語已婦 卿今何爲 與此人通
 我要當壞 此比丘目 是何乞士 觀視吾婦
 次後有佛 名曰迦葉 衆相具足 出現於世
 我時復爲 大豪長者 廣接恩惠 名稱四遠
 復遇此兒 生死兩目 由本業報 受此殃罪
 因造圖像 今致此報 生在王種 顏貌無雙

又眼徹視 在衆獨尊 見者心歡 靡不威伏
 以曩昔謗 真人羅漢 坐視婦人 欲壞他目
 由本惡行 今毀兩目 善惡之報 終不腐朽
 我請迦葉 及比丘衆 供養七日 隨所給施
 子亦復於 七日七夜 奉敬如來 及請聖衆
 兩手擎燈 形不移動 日三懺悔 自歸於佛
 我本所造 身口意行 今盡改過 謹修禁戒
 設後更遇 如此聖尊 願使鄙賤 得遭奉敬
 即於彼會 盡於苦際 與父同時 成阿羅漢
 於維衛佛 七日燃燈 發願求福 而獲天眼

今雖毀壞 肉眼根本 即時便獲 天眼之報
 既遇迦葉 興出世時 願使更生 得清淨眼
 或復有時 建立堅誓 使我與父 同時成道
 於六年中 正法王治 竟此數已 便當盡漏
 王聞此語 善心生焉 即前長跪 自投于地
 尊今清淨 諸垢無著 於賢聖眾 安處無為
 法益新王 領閻浮提 無有賊盜 劫掠人者
 無有疾痛 邪業之法 普行慈心 相視和順
 時王法益 告群臣曰 卿等孝順 勿懷奸邪
 興殺盜心 不善之報 亦莫姓汝 妄言綺語

酒不過口 恒當順法 不違正教 便成道跡
 時王治化 以經六年 長跪叉手 白父王田
 子受王命 不敢違戾 乞聽出家 修清淨行
 王即聽許 令出家學 禮父母足 便辭而去
 往詣於師 自陳啓曰 願師聽納 得在道次
 尊者和顏 而告之曰 善來真子 勤修梵行
 卿於今身 斷除諸漏 莫懷懈怠 更受毀辱
 剝除鬚髮 專精心意 普地震動 兩天雜花
 尋時即受 具足之戒 真人之法 無不曉了
 師漸教化 指授儀則 眼如夢幻 當熟思惟

觀此五陰 都無所有 無人無作 亦無授者
知之悉空 愚者染著 髮毛身體 爪齒之屬
血髓腸胃 不淨充滿 此身無淨 亦無牢固
汝當思念 有為之法 此五陰形 幻化虛偽
由此流滯 不得解脫 汝今慙慙 至解脫城
如佛所歎 豈有虛乎 長樂無為 澹泊虛寂
諸佛過去 如恒沙數 難寤衆生 不聞不覩
興勇猛心 於瞿曇法 至安隱處 無往還期
如是尊者 教誨法益 晝夜經行 無復懈怠
觀此五陰 如被火燃 即成羅漢 不復退轉

師復重告 諸來會者 捐忽非務 及俗煩鬧
天人根元 流浪生死 漂滯馳騁 隨於五趣
彼終生此 皆有因緣 人根相類 今為汝說
行步顛蹶 不自覺知 視瞻眩惑 恒喜多妄
舉動輕漂 浮遊曠野 此人乃從 活地獄來
肢節煩痛 睡眠驚覺 夢寤兇惡 黑繩獄來
麤髮戾眼 長齒喜眠 聲濁暴疾 合會獄來
語聲高大 不知慙愧 喜聞喚呼 不別真偽
眠卧呻吟 夢數驚喚 當知此人 涕哭獄來
恒喜悲泣 登高遠望 好聞家人 無有親踈

言便致恚	經宿不食	此人本從	大涕哭來
身長脚細	筋力薄妙	言語咽塞	聲如破甕
神識不定	心無孝順	當知此人	阿鼻獄來
身體麤醜	長苦寒戰	好熱喜渴	慳貪嫉妬
見人惠施	自致煩惱	此人乃從	熱地獄來
見火驚恐	復喜 <small>甲七</small> 暖熱	行步輕便	不避事宜
所作尋悔	復欲更施	此人復從	大熱獄來
小眼喜眠	所受多忘	所造短狹	無曠大心
見大而懼	視小歡娛	此人乃從	優鉢獄來
赤眼醜形	常喜鬪訟	誹謗聖賢	諸得道者

晝夜伺人	非法之行	當知此人	鉢頭獄來
眼視三角	不孝二親	生便短命	拘牟獄來
好帶刀劍	強嫉人鬪	必為人殺	邠持獄來
身生瘡痍	口氣臭處	與人無親	曠地獄來
形體長大	行步劣弱	少髮薄皮	恒多病痛
見人則瞋	貪饕無厭	當知此人	從焰獄來
體白眼青	語便流沫	言無端緒	好弄塵土
見深淤泥	身卧其上	此人乃從	灰地獄來
卷頭黃目	人所惡見	臨事惶怖	劍樹獄來
手恒執刀	聞鬪便喜	為刃所害	從刀獄來

體黑寒戾	喜止冥室	口出惡言	熱灰獄來
薄力少氣	不得自在	得夫之宜	一不由已
設見屠殺	不離其側	當知此人	從剝獄來
瞋恚無常	尋知變悔	時能辭謝	不經日夜
既責其心	如被刑罰	此人乃從	總地獄來
喜宿臭處	好食麤弊	所著醜陋	從屎獄來
頽貌醜惡	口氣麤穢	好讒聞人	善香獄來
當觀此貌	所從來處	知之遠離	如避劫燒
次說畜生	受形殊異	專心思察	無造彼緣
語言舒遲	不起瞋恚	謙敬尊長	從象中來

身大醜穢	堪忍饑寒	健瞋難解	從駝中來
遠行健食	不避嶮難	憶事識真	從馬中來
息和寬仁	堪履寒熱	所行無記	從牛中來
高聲無愧	多所愛念	不別是非	從驢中來
長幼無畏	恒貪肉食	眾事不難	從師子來
身長眼圓	遊於曠野	憎嫉妻子	從虎中來
毛長眼小	少於瞋恚	不樂一處	從禽中來
性無返復	喜殺害蟲	獨樂丘塚	從狐中來
小聲勇健	無有姪欲	不愛妻息	從狼中來
不好妙服	伺捕奸非	少眠多怒	從狗中來

身短毛長	饒食睡眠	不喜淨處	從猪中來
毛黃卒暴	獨樂山陵	貪食華果	從獼猴來
多妄強顏	無所畏難	行知反復	從烏中來
情多色欲	少於分義	心無有記	從鴿中來
所行返戾	強辯耐辱	不孝父母	鷓鴣中來
亦不知法	復不知非	晝夜愚惑	從羊中來
好姪喜談	數親豪族	衆人所愛	鸚鵡中來
所行卒暴	樂人衆中	言語多煩	鸚鵡中來
行步舒緩	意有所規	多害生類	從鶴中來
體小好姪	意不專定	見色心惑	從雀中來

眼赤齒短	語便吐沫	卧則纏身	蛇虺中來
語則曠恚	不察來義	口出火毒	從蝎中來
獨處貪食	聲響暗呢	夜則少睡	從猫中來
穿牆竊盜	貪財健恐	亦無親踈	從鼠中來
深觀相貌	從畜生來	次說餓鬼	專意聽之
身長多懼	以髮纏身	衣裳垢全	從餓鬼來
脣乾鼻塞	咽細色黃	行喜顛倒	從餓鬼來
姪汰慳貪	嫉彼所得	不好惠施	從餓鬼來
不孝父母	家室大小	動則諍訟	從餓鬼來
不信至誠	所從趣為	薄力少智	從餓鬼來

聲壞響塞	卒興瞋恚	食便好熟	從餓鬼來
恒乏財貨	空貧匱陋	智者所嗤	從餓鬼來
門不事佛	不好聞法	永絕天路	從餓鬼來
不敬妻子	兄弟姊妹	人所憎嫉	從餓鬼來
生則孤保	無人瞻視	終歸來處	從餓鬼來
意志褊狹	不好榮飾	所行醜陋	從餓鬼來
所為不獲	所作事翻	人所驅逐	從餓鬼來
成事喜敗	不審根元	不受人諫	從餓鬼來
不樂淨處	喜居廁園	顏貌醜穢	從風神來
身大喜好	恒貪食肉	獨樂神祠	從閻叉來

健瞋合鬪	見物貪著	無有畏忌	從閻叉來
見者毛豎	直前熟視	如似所失	從羅刹來
體狹皮薄	顏色和悅	聞樂歡喜	乳香和來
意好輕飄	香熏自塗	多諸技術	乳香和來
恒喜歌舞	男女所侍	先語後笑	甄陀中來
情性柔輒	曉了時節	能斷漏結	真陀羅來
此餓鬼相	閻叉羅刹	次當說人	隨其根源
知趣所生	所執不忘	曉了事業	從人道來
解諸幻偽	已不為之	所作平等	從人道來
善惡之言	初不忘失	不信奸偽	從人道來

貪恠慳嫉	執心難捨	盡解方俗	從人道來
信意惠施	解法非法	心不偏頗	從人道來
不失時節	亦不懈怠	供敬聖賢	從人道來
設見沙門	持戒多聞	至心承事	從人道來
供奉諸佛	正法眾僧	隨時聞法	從人道來
聞法能知	聞惡不為	速速泥洹	從人道來
此是人相	粗說其貌	今說天狀	所從來處
眼圓面方	黃體金髮	盡備技術	阿須倫來
直前視地	無有疑難	見怨輒擊	阿須倫來
依須彌山	有五種天	本所造緣	其相不同

腰細脚羸	恒喜含笑	智者當察	從曲天來
意好微妙	少於資財	見闢則懼	從尸天來
身長體白	顏色端正	不好火光	從婆天來
常懷悅豫	聞惡不懼	不從彼受	從樂天來
思惟忍苦	好分別義	慈孝父母	毗沙天來
宿不樂家	喜遊林藪	志念女色	從三天來
財寶雖多	生卑賤家	心樂清淨	從三天來
任已自行	所為不尅	望斷願違	從燄天來
意喜他姪	不守己妻	為鬼所使	他化天來
承事父母	順法宜則	已短彼授	兜術天來

非道求道 心無恡想 不樂在家 從梵天來
意頑性質 恒貪睡眠 亦不解法 無想天來
五趣衆生 各有元本 性行不同 志操殊異
時王阿育 心猶懷恚 告諸群臣 聽我法要
卿等觀此 利劍神輪 若不時檢 造書之首
盡當殺害 閻浮地民 令此境界 廿八 丘如曠野
諸臣拜跪 前白王言 願垂寬忍 今當究審
尋出四布 聽外誣言 改形易服 隱容微察
爲誰作書 信使是誰 往來石室 斯是何人
匿情內發 聲流外彰 夫人淨容 耶奢所造

諸臣運集 前白王言 聽臣所陳 書印之原
今者此賊 在王肘腋 夫人善容 臣耶奢是
王聞此語 奮赫天威 即勅左右 推檢此人
將來王所 詰問情實 卿等審毀 王子目耶
二人戰慄 默然不對 亦不言作 復不言非
王瞋恚盛 勅語傍臣 速將此人 閉著鐵牢
周而然火 聚焚燒之 即收反縛 將詣獄所
熾火燒殺 死入地獄 當復經歷 劫數之難
所以然者 王子昔日 生波羅奈 貲財無極
時有老母 孤窮保凍 兼將孤子 詣門乞求

王子出見便生瞋恚以手掬土塗其兩目
 母子懷恚興心生念設我更生與汝相過
 當挑兩目如捐瓦石善惡不腐如影隨形
 時老母身今夫人是所將孫兒耶奢身是
 既謗羅漢又辱孤母眾緣逼切有何可避
 爾時尊者與諸人民廣說法味十九微妙之教
 當熟思惟眼聚之法本從何來移至何所
 來亦無始去亦無終尋不見跡何者是眼
 莫著眼色起有常想此亦不久必當壞敗
 色如聚沫法當分散聲香味法都無真實

思愛離苦怨憎會苦盡當捐捨修行慈仁
 月光夫人來女之眾六十餘人聞法見諦
 初見道跡得法眼淨七生七死盡於苦原
 復有勇猛十千闍士得頻來道無復畏難
 三千天人諸垢穢盡皆得道果安處無為
 復有百千諸豪尊貴受三自歸師宗法益
 尊者善念將諸比丘上天導引復道而去
 到精舍已終訖說法飛在虛空作十八變
 坐卧自由各捨形壽入泥洹界無復生老
 阿育王子法益壞目因緣經

音釋

豐

許觀切

隙也

嶷

魚力切

培

都回切

同

冑

冑古切

涼

冑古切

蹶

居月切

也

也

嗜

嗜於切

呢

呢於切

也

涼

其亮切

施

我

我

我

我

我

我

我

我

我

我

我

我

永樂北藏

王子法益壞目因緣經

第一三一册